

DICTA ALIA

MAGISTRI ALANI DE INSULIS

Quæ communiter *Mirabilia* nuncupantur, sed forte melius, *Memorabilia*.

Ex eodem ms. codice monasterii Danensis erata.

159 Omnes animæ motiones universitatis conditor Deus creavit ad bonum, sed usu nostro sœpe fit, ut res quæ bonæ sunt per naturam, dum male illis utimur, nos ad peccata ducant. Unus ex animæ motibus amor est, quo bene utimur, si sapientiam et veritatem amemus, male autem, si carnem aut sanguinem. Tu igitur, ut spiritualis, audi spiritualiter amatoria verba cantari, et disce motum animæ tuæ, et carnalis amoris incendium ad meliora transferre.

Amicus amoris cōsors, cui sic animum tuum applica, ut ex duobus unum fiat; cui te tanquam tibi committas, a quo nihil timeas, et nihil in honestum petas; non est enim amicitia vœtigalis, sed plena decoris. Unde Dominus: *Vos amici mei estis si feceritis quæ ego præcipio vobis* (*Joan. xv.*). Dedit nobis Dominus formam amicitiae quam sequamur, ut faciamus amici voluntatem, aperiamus ei secrēta, et ipse nobis. Hinc etiam Ecclesiasticus: *Amicus fidelis, fortis protectio, qui inventit illum, inventit thesaurum* (*Cap. vi.*). Amicus fidelis, secundum Deum scilicet, qui ad medicamentum vitæ æternæ et immortalitatis necessaria cum amico tractat, nam ut bene dicit Cicero, amicitia nisi inter bonos esse non potest. Debet etiam amicitia esse libera, et ad omnem felicitatem proclivis. Qui timet Deum, que habebit amicitiam bonam.

Plena etiam et perfecta amicitiae gratia inter perfectos viros, ejusdemque virtutis perseverare potest. Ad hanc quibusdam gradibus pervenitur. Primus gradus est mundanorum contemptus; secundus, ne quis sese sapientem et consulūm judicans, sibi potius quam amico credere malit. Tertius, ut omnia quæ utilia et necessaria æstimat, bono charitatis postponat. Quartus, ut omnino desinat ab ira. Quintus, ut iram fratris etiam irrationalib[em] curare cupiat, quia alterius tristitia pernicioса sicut propria, nisi eam quantum in te est, etiam de fratriis mente depellas. Postremus gradus, et omnium vitiorum peremptorius est, ut de hoc mundo credas te quotidie migraturum.

Noli querere fieri iudex, etc., (*Eccle. vii.*). Debet quisque proprias virtutes perpendere et pro quantitate virium, curam aliorum suscipere, ne dum delectatur loco gloriæ, fiat subditus auctor ruinæ; et qui gravatur pondere suarum culparum, velit fieri iudex alienarum. Ille protrahi debet in exemplum vivendi, qui nulla adversa pertimescit.

A Deus creavit de terra hominem, et secundum imaginem suam fecit illum (*Gen. i.*). Ut scilicet vivat, sapiat, et memoriam, intellectum et voluntatem habeat. Unde: *Diliges Dominum Deum tuum ex toto corde tuo*, etc. (*Matth. xxii.; Marc. xii.*). Id est ex toto intellectu, voluntate et memoria. Sicut autem ex Patre **160** Filius, ex utroque Spiritus, ita ex intellectu voluntas, et ex utroque memoria, nec sine his tribus potest anima esse perfecta, nec unum, quantum ad beatitudinem pertinet, sine aliis integrum constat. Et, sicut Deus Pater, Deus Filius, Deus Spiritus sanctus, non tres dii, sed unus Deus tres habens personas, ita et anima intellectus, anima voluntas, anima memoria, non tamen tres animæ, sed una anima; tres habens potentias, in quibus imaginem Dei mirabiliter gerit. Quibus quasi excellentioribus viribus jubemur diligere Conditorem, ut quantum intelligatur et diligatur, semper in memoria habeatur.

B Nec sufficit Deo intellectus, nisi voluntas sit in amore ejus; nec ista duo, nisi memoria addatur, qua semper in mente diligentis et intelligentis maneat Deus.

Quia sicut nullum momentum est quo non utatur homo vel fruatur Dei bonitate, ita semper in memoria debet præsens esse.

C Ad similitudinem quoque Dei factus est homo, ut sicut Deus charitas est, bonus, justus, mitis, misericors, ita homo charitatem habeat, sit bonus, justus, etc.

Qui vicit in æternum, creavit omnia simul (*Eccli. xviii.*). Rerum substantia simul creata est, sed non simul per species formata est. Et simul exstitit per substantiam materiæ, non simul apparuit per speciem formæ. Cum enim factum cœlum terraque deserbitur, simul spiritualia et corporalia, et quidquid de cœlo vel de terra producitur, factum indiscatur.

Noli esse humili in sapientia tua (*Eccli. xiii.*). Non virtutem humilitatis abhorret, sed auctoritatem firmam contra expugnatores veritatis docet tenere, quibus fortiter resistendum.

Fornicatio mulieris in extollentia oculorum, et in palpebris illius agnosceretur (*Eccli. xxvi.*). Per hæc tria, curiositatem humanæ mentis ostendit, quæ semper prona est in malum. Unde: *Omne quod in mundo est, concupiscentia carnis est, et concupiscentia*

tia oculorum, et superbia vita (I Joan. ii). In his tribus, omnia vitia concluduntur.

Concupiscentia enim carnis est, quidquid ad voluptatem corporis pertinet ut cibus, potus, concubitus; concupiscentia oculorum, omnis curiositas, sicut in turpi spectaculo, in acquirendis superfluis, in agnoscendis et carpendis proximorum vitiis; superbia vitae est, cum quis honores jactat, et per elationem vanæ gloriæ, et per arrogantiam destruit. Per concupiscentiam carnis tentatus est Adam, cum ei hostis de ligno vetito comedere suasit; per concupiscentiam oculorum, cum diceret: Scitis bonum et malum; per superbiam, cum adderet: *Eritis sicut dii* (Gen. iii).

Initium vitae hominis, aqua et panis, et vestimentum et demus (Eccl. xxix). Frugalitatem docet et hospitalitatem, et ut temperantes simus in victu et vestitu, honestioribus largiri suscipiendis fratribus. In principio non fuit tanta luxuria cibi et potus, nec tanta ambitio vestium, et turrium et palatiorum; sed pomis arborum et oleribus herbarum vibrabant antiqui, et Dominus primis parentibus tunicas pelliceas post peccatum fecit.

Minimum pro magno placeat tibi (ibid.). Sufficiat tibi quod habes, ne superflue queraras, quod adipisci non vales. Unde quidam ait: Melius est tibi non habere quod tribuas, quam impudenter petere quod non habes.

Zelus et iracundia minuunt dies (Eccl. xxx). Versus animi affectus debilitat corpus. Unde: *Spiritus tristis exciccat ossa* (Prov. xvii). *Viri sanguinum non dimidiabunt, dies suos* (Psal. lvi). Id est prosperitatem quam **161** sibi promittunt, non possunt habere in perpetuum.

Supra mensam magnam sedisti? non aperias super illam faucem tuam prior (Eccl. xxxi). Ad litteram, continentiam et temperantiam docet. Mysticè, ut in lege Dei simus cauti et providi; mensa enim magna, est copia Scripturarum, in qua non debeimus esse procaces, ut aliquid inde sine doctore rapiamus, sed sanctorum doctorum viam teneamus.

Diligentes in vino, noli provocare, ebriosos fuge, facile enim irascuntur, multos enim exterminavit vinum (ibid.), id est ebrietas multos subvertit. Hæc sensum minuit, iram excitat, libidinem inflamat, animi secreta revelat. *Ignis probat ferrum durum, sic vinum corda superborum arguet, in ebrietate potatum* (ibid.), id est sicut ignis ferri duritiam mollit, sic vinum superborum corda inflammans, ad facinus impellit.

Æqua vita hominibus vinum in sobrietate (ibid.). Vinum sobrie potatum vitam æquitatis non tollit, sed sobrietatem et cætera virtutum ornamenta adducit.

Equus emissarius, sic et amicus subsannator, sub omni suprasedente hinnit (Eccl. xxxiii). Sicut iumento nulla est ratio, ita in falso amico nullus æquitatis ordo. Sicut enim equus lascivus hinnit

A suo dominum suum non discernit vel alienum, sic stultus et derisor non discernit hypocritam et fidem amicum, sed per oris officia æqualiter utrique pandet secreta.

Filio et mulieri, fratri et amico, non des potestatem super te, in vita tua (ibid.) Ad litteram, patres docet ut filios suos regant, et cum disciplina nutritant, donec veniant ad ætatem perfectam, ut digni possint esse hæredes patrum suorum; spiritualiter vero instruit rectores ecclesiarum, ut dignitatem suam usque ad finem teneant, et discipulos suos bene nutritos, hæredes sui laboris relinquant. Tenere enim debent rectores Ecclesie exterius, quod pro aliorum utilitate suscipiunt.

Cibaria et virga et onus asino, panis et disciplina, et opus servo (ibid.). Necessæ est ut ini- qui servi severitate dominorum suorum comprimantur ne illicita fruantur libertate; in quibus tamen non est despicienda natura, sed improbitas coercenda, ut sciant se subditos esse. Recte autem servi sunt, qui vitiis servient; qui vero justitiae obediunt vere liberi sunt. Unde: *Si vos Filius liberaverit, vere liberi eritis* (Joan. vii), nulla enim melior majorve potestas, quam servire Deo, cui bene servit amor. Describitur ergo, qualis debeat esse servulis nutritura et disciplina, ut habeant scilicet victum et vestitum, non vagandi otium. Servi si benevoli et obedientes sint, ut fratres habendi sunt; si autem duri et superbi, sub disciplina coercendi.

C Si est tibi servus fidelis, sit tibi quasi anima tua (Eccl. xxxiii). Quia in eo communem naturam debemus diligere, et si necesse fuerit, pro eo animam ponere; non est enim persequendus homo, sed vita.

Qui apprehendit umbram, et persecutur ventum, sic et qui attendit ad visa mendacia (Eccl. xxxiv). Significat, somnia fallacia homines sæpe ludere, et in errores trahere; nisi caute discernantur. Inde in lege præcipitur: *Non observabitis somnia neque divinationes* (Lev. xix; Num. xxiii), aliquando revelationes per somnia flunt, unde in dialogo Gregorius: Sciendum, Petre, quia modis sex tangunt animum imaginationes somniorum, aliquando, ventris plenitudine aut inanitate, aliquando illusione, aliquando cogitatione simul et illusione, aliquando revelatione; aliquando cogitatione simul et revelatione.

Qui non est tentatus, quid scit? (Eccl. xxxiv) tribulatione scilicet probatus. Unde: *Vasa figuli probat fornax, et homines justos tentatio tribulationis* (Eccl. xxxviii). Qui enim inter tribulationes patientiam servat, fortior redditur.

Qui offert sacrificium ex substantia pauperum, quasi qui victimat filium in conspectu patrii sui (Eccl. xxxiv). Valde detestabile est sacrificium, quod orbati patris dolori comparatur. **162** Quidam pensant quantum tribuunt, non quanta rapiunt, et congregant mercedes, et mitunt eas in saccum

pertusum (*Agg.* 1), in sacco per uso videtur pecunia quando mittitur, sed non quando amittitur. Qui ergo quanta largiuntur aspiciunt, sed non quanta rapiunt, in saccum pertusum mercedes mittunt, quia eas in spe fiduciæ intuentes congregant, sed non se intuentes perdunt.

Qui baptizatur a mortuo, et iterum tangit eum, quid proficit lavatio ejus? (*Eccli.* xxxiv) Post lavacrum mundus esse neglit, qui post lacrymas vite innocentiam non custodit. Lavantur quidam et mundi non sunt, quia commissa flere non desinunt, et rursus flenda committunt.

Retribuens Dominus septies tantum reddet tibi (*Eccli.* xxxv). Perfectam scilicet remunerationem. Septenarius enim, quia septem dona Spiritus sancti demonstrat, perfectus est; et quia interiorem et exteriorum hominis substantiam comprehendit, in ternario animam (Unde : *Diliges Dominum Deum tuum, ex toto corde tuo, etc.* *Matt.* xxii; *Marc.* xii) in quaternario corpus significat, quia corpus de quatuor elementis constat.

Noli offerre munera prava, non enim suscipiet illa (*Eccli.* xxxv). Apud Deum non est quantitas munieris, nec persona potentis appetitur, sed dilectio et humilitas cordis, ideo nemo debet offerre sacrificium de iniquitate, sed de justo labore.

Noli avidus esse in omni epulatione, et non te effundas super omnem escam (*Eccli.* xxxvii). Juxta historiam, parcimoniam laudat, crapulam vituperat, quæ ad infirmitatem perducit devorantem. Mystice vero admonet, ut in temporalibus simus temperantes. Unde : *Mel invenisti, comedere quod sufficit tibi* (*Prov.* xxv). Et alibi : *Noli plus sapere quam oportet sapere* (*Rom.* xi).

Honora medicum propter necessitatem : etenim creavit illum Altissimus (*Eccli.* xxxviii). Discretos vult nos esse in omnibus, quia omnia opera Dei bona valde (*Gen.* 1). Unde, non debemus eos spernere, quos constat Creatorem ad utilitatem nostram fecisse. Sunt corporales medici, sunt et spirituales. Corporales medici corpora; spirituales, curant animas. Utique ergo honorandi sunt, sed spirituales præferendi.

Non est dicere, quid est hoc aut quid est illud (*Eccli.* xxxix). Prohibet nos esse curiosos, et perscrutari quæ scire non convenit. *Omnia enim in tempore suo manifestabuntur, cum illuminabit Dominus abscondita tenebrarum, et manifestabit consilia cordium* (*I Cor.* iv).

Ignis, grando, fames et mors, omnia hæc ad vindictam creata sunt (*Eccli.* xxxix). Omnia homini ante peccatum obediebant, post peccatum vero, pugnat contra eum orbis terrarum; fames et mors et mille pericula mortis. Bestiae quoque contra eum sœviant, et rhomphæa cœlestis vindicæ.

Ideo mali cruciabuntur in poena, quia in tempore sibi dato ad penitentiam, peccare non desinunt; testimont enim (prosperitate quasi somno delusi) tempus esse pacis, non belli, cum homini præsens

A vita concedatur, ut per bonum certamen perveniat ad beatitudinem.

In tempore ergo salutis suæ, dum est ei tempus acceptabile, exsurrexit in superbia et cupiditate terrenarum rerum æstuans sine omni timore Dei.

Ad hæc, mors, sanguis, contentio et rhomphæa, oppressiones, famæ, etc. (*Eccli.* xl). Peccanti homini multiplex poena deputata est, ut correctus pœnitcat, et deinceps caveat; sed quia negligit et in pejus desicit, ideo induxit Dominus diluvium orbi, ut hominem deleret quem creavit. Ad comparationem vero futuræ pœnæ, nihil est quod homo patitur in præsenti. Nam tunc plena et profunda vindicta veniet, ut qui in præsenti vita peccarnon cessant, sine fine crucientur.

B . *Vir respiciens in mensam alienam non est vita ejus in cogitatione victus* (*ibid.*). Stultum est otiori, et de alieno labore mercedem querere. Recipiet unusquisque secundum opera sua (*Rom.* ii). Cui placet otiose torpere, nec proximis docendo 163 prodesse, tandem doloribus inferni et sera pœnitentia æstuabit.

O mors, quam amara est memoria tua homini parce u habenti in substanciali suis, viro quieto, et cuius viae directæ sunt in omnibus et adhuc valenti accipere eum! (*Eccli.* xli.) Qui prosperitatem mundi et diuitias amat, amara est illi mors corporalis, quia futuræ vitæ gaudia negligit.

C *O mors, bonum est judicium tuum homini indigenti, et qui minoratur viribus; defecto aetate, etc.* (*ibid.*) Bonum est christianis judicium mortis, quia per ipsam transeunt ad æternam vitam. Noli metuere judicium mortis temporalis, sed potius : *Eum timete qui potest animum et corpus perdere in gehennam* (*Matt.* x).

Quo ad æqualitatem stateræ et ponderum, ubique servanda est æquitas et observanda regula stateræ et ponderum, ne circumveniamus fratrem in emptione. Quantum hypocrisis, et dolus Domino displiceant, ostendit his verbis : *Statera dolosa abominationis est apud Deum, et pondus æquum voluntas ejus* (*Prov.* xi). Qui aliter causam pauperis et potentis librat, vel sua errata leviora quam aliorum putat, vel qui imponit in humeros hominum onera importabilia, vel qui bona in publico, mala in occulto, abominabilis est Domino.

D *Omni homini noli intendere in specie, et in medio mulierum noli commorari* (*Eccli.* xl). Docet nos puritatem cordis et corporis servare. Unde : Periculose tibi ministrat, cujus vultum frequenter attendis; nam impudici oculi non norunt animæ pulchritudinem considerare, sed corporum.

De vestimentis procedit linea, et a muliere iniquitas viri : melior est enim iniquitas viri, quam mulier benefaciens; et mulier confundens in opprobrium (*ibid.*). Mulier aut sexum significat, sicut ibi : *Misit Deus Filium suum, natum ex muliere* (*Gal.* iv). Aut infirmitatem, sicut hic : *Homo natus de muliere, brevi rivens tempore, repletus multis misericordiis* (*Job.* xiv).

Vir ergo in hoc loco, fortis et discretus vocatur: mulier mens infirma et indiscreta; et sœpe contingit, ut discretus labatur in culpam, infirmus exhibeat operationem bonam; sed indiscretus de bonis suis superbens, gravius cadit; discretus autem pœnitens ad discretionis regulam reddit; et de cætero, fortius et cautius agit. Sœpe enim culpa fortium sit occasio virtutis, et virtus infirmorum, occasio peccati: haec mulier confundit in opprobrium, quia res dignas confusionem gerit.

Quam desiderabilia sunt omnia opera ejus et quam scintillam, quæ est, considerare! (Eccli. xl.)
Tanquam scintillam opera Dei consideramus, quia vix parvam notitiam inde percipimus.

Ita ordinavit Deus omnia, ut quæ sibi videntur esse contraria, convenient, ut elementa, vel quatuor tempora.

Altitudinis firmamentum, pulchritudo ejus est, species cœli in visione gloriae (Eccli. xlvi). Pulchritudo firmamenti per claritatem siderum, potentiam ostendit Creatoris, sed magis decor Ecclesiae, in virtutibus et miraculis sanctorum, excellentiam manifestat Redemptoris, qui splendore suo illustrat credentes et ardore judicii puniet peccatores. Unde subjungit :

Sol in aspectu annuntians in exitu, vas admirabile, etc. Fornacem custodiens in operibus ardoris (ibid.). Quia superbos pro cogitatione, **164** locutione et operatione mala, excruciat æterna flamma.

Tripliciter sol exurens montes (ibid.). Quia superbos pro cogitatione, **164** locutione et operatione mala, excruciat æterna flamma.
Et refulgens radis suis obœcat oculos (ibid.). Quia mysticis verbis, superborum ludit intellectum. Unde : *Vobis datum est nosse mysterium regni Dei (Marc. iv; Luc. viii).*

Magnus Dominus qui fecit illum (Eccli. xlvi). Dispensationem scilicet incarnationis, ut superbi confunderentur, humiles scientia Dei exaltarentur.

Et luna in omnibus in tempore suo; ostensio temporis, et signum ævi (ibid.). Postquam de sole disputavit, disputat de luna, quia Christum sequitur Ecclesia, et ab ipso illuminatur, sicut a sole luna. Luna enim non habet nativum splendorem, sed a sole accipit; sic et Ecclesia a Christo, quæ in persecutione videatur minui, sed in pace clarescit, crescit autem mirabiliter in consummatione.

Vas castrorum in excelsis, in firmamento cœli resplendens gloriose (ibid.). Quia in ipsa consistit multitudo fidelium, quæ in firmamento veritatis et divinæ prædicationis, per totum orbem gloriose resplendet.

Species cœli gloria stellarum, mundum illuminans in excelsis Dominus (ibid.). Ornatus Ecclesiae sanctorum plenitudo, quos Deus excelsus ordinavit ut prædicatione Evangelii illustrarentur. *Hi in verbis sancti, id est in doctrina veræ fidei permanentis expectant judicium Dei.*

Vide arcum, et benedic eum qui fecit illum (ibid.). Scriptum scilicet Novi et Veteris Testamenti, unde :

A Arcum suum tetendit, et paravit illum (Psal. viii). Hic fidelibus suave jugum ostenditur, contumacibus arma terribilia.

Valde speciosus est in splendore suo (Eccli. xlvi). Quia Scriptura valde præclara est in sensu suo.

Giravit cœlum in circuitu gloriae suæ (ibid.). Quia de supernis et de insimis narrat.

Manus Excelsi aperuerunt illum (ibid.). Quando per virtutem et sapientiam Dei in Christum, Vetus et Novum Testamentum conditum est. *Imperio suo acceleravit nivem (ibid.),* id est perduxit frigidos ad justitiae nitorem.

Et accelerat coruscationes emittere judicij sui (ibid.), id est terrores judicij, et virtutum miracula.

B *Et confacti sunt lapides grandinis (ibid.).* Doctores qui terram humani cordis irrigant, tempestatem increpationis in se gerunt, et in tempore fundunt, et constringunt lapides grandinis, increpando scilicet duritiam pravi cordis, ne lapident vitale germen.

Laudemus viros gloriosos, et parentes nostros in generatione sua (Eccli. xlvi). Quia plurima moraliter disputando, allegoriamque et anagogem in plebisque tangendo, mysteria divini sacramenti addidit; nunc de sanctis Patribus narrare incipit.

Homines magni virtute, et prudentia sua præditi (ibid.). Quia plures eorum reges scientiæ, dicitiæ abundantes, sed majori parte se ipsos regentes.

Omnes isti in generationibus gentis suæ, gloriae adepti sunt, etc. (ibid.). Haec juxta historiam, de patriarchis et prophetis accipiuntur, quorum semen, id est Israëlitæ, propter eorum merita et promissiones, sœpe de angustiis liberatum est. Unde Moyses pro peccatis populi orans, Abraham, Isaac et Jacob reducit ad memoriam, ut eorum meritis Deus placatus, filiis peccantibus daret indulgentiam. Patris David meritum filii multo tempore servavit regnum. Sed sacramento sensu, viri misericordia sunt apostoli et prædicatores Novi Testamenti, qui verbo Evangelii et ministerio baptismi, quotidie gignunt filios Dei, qui imitatores parentum suorum, exempla eorum sectantur, quorum corpora in spe resurrectionis quiescent, quando semen honorum opere cœlesti mercede compensabitur.

D *Henoch placuit Deo, et translatus est in paradisum, ut det gentibus pœnitentiam (ibid.).* Non ab Adam qui transgressus est, et de paradiso ejectus, cœpit enumerare patres, sed ab **165** Henoch, qui translatus est in paradisum; quia in hoc patet elecciónem sanctorum, qui de ærumpa sæculi transierunt ad quietem regni. Hic creditur venturus in fine mundi, ut det omnibus consilium pœnitendi.

Noe inventus est perfectus, justus, etc. (ibid.). Quando, pereunte mundo, reservatus est, ut pœnitentiam gentibus prædicaret, et exemplo demonstraret, quod, qui Deo devote serviunt, ab interitu æternno liberantur. Cum eo Deus pactum statuit, ne ultra perderet aquis diluvii omnem carnem. Significant autem rectores qui inter fluctus sæculi,

arcam, id est Ecclesiam Dei regunt, et prædicant baptismum poenitentia, orationibus et sacrificii Deum placantes humano generi.

Abraham magnus pater multarum gentium, etc. (ibid.). Multarum gentium, scilicet in Christum credentium; quia filii carnis non testimantur in semine. Duplex est promissio Abrahæ: in arena maris exprimuntur steriles mundi, in similitudine stellarum, fideles christiani, qui resurrectionis lumine coruscabunt sicut astra cœli.

Phinees filius Eleazari tertius in gloria est (Eccli. xlvi). Phinees filius Eleazari, sicut scriptum est in libro Numerorum (Cap. xxv), accepit a Domino testamentum pacis, quia zelo Dei Israelitam et Madianitudinam mulierem fornicantes interfecit.

In quo mystice significatur, quia qui zelo Dei, carnis suæ luxuriam et subditorum interficit, meretur a Domino dignitatem etiam sacerdotii, et ad illum sacerdotem pertinet de quo scriptum est: *Tu es sacerdos in æternum, etc. (Psal. cix).*

Ideo statuit illi testamentum pacis, etc. (Eccli. xlvi). Significat, quod David in distributione ministrorum Dei (I Par. xxiv), quos in xxiv sortes divisit, ut per vices Domino ministrarent, gloriam Phinees non minoravit, sed auxit.

Unde in Paralipomenis: Phinees filius Eleazari erat dux eorum coram Domino.

Unde Hebrei tradunt, quod adhuc corpore vivebit, et tabernaculo ministrorum vices ordinaverit.

Sapientia ædificavit sibi domum, excidit columnas septem (Prov. ix). Unde: *Sapientia ubi invenitur, et quis est locus intelligentiae? nescit homo pretium ejus, nec invenitur in terra suaviter viventium (Job xxviii).* Ecce, timere Deum ipsa est sapientia, et abstinere a malo, prudentia. Ut evidenter appareat quæ sit illa sapientia quæ domum ædificavit, distinguendum est inter sapientias; est enim sapientia mundi, sapientia carnis, sapientia desursum, et sapientia sursum. De sapientia mundi dicit Apostolus: *Sapientia hujus mundi, stultitia est apud Deum (I Cor. v).*

De sapientia carnis, idem ait: *Quia prudentia carnis mors est (Rom. viii).* De sapientia quæ desursum est, dicitur, quia pudica et pacifica est, etc. (Jac. iii). De sapientia sursum, dictum est, quia attingit a fine usque ad finem fortiter, et disponit omnia suaviter (Sap. viii).

Sapientia mundi in vanitate, sapientia carnis in voluptate, sapientia desursum in veritate, sapientia sursum veritas est, æternitas est.

Sapientia ergo quæ sursum est, et quæ Deus est, ipsa ædificavit sibi domum, corpus videlicet Domini, in quo habitavit corporaliter. Ibi excidit columnas septem, id est septem charismata Spiritus sancti. Christus enim secundum quod homo, accepit Spiritum septiformem, non ad mensuram, sed ad plenitudinem. Unde Isaías: *Requiescerit super eum Spiritus Domini, spiritus sapientiae et intellectus, etc. (Isa. xi).* Rursum: *Sapientia ædificavit sibi do-*

*mum, etc. (Prov. ix), sanctam scilicet Ecclesiam, ubi etiam excidit columnas septem, quia ipsa Ecclesia accipit 166 Spiritum septiformem. Unde Joanues: *Et nos de plenitudine ejus accepimus (John. i).* Possumus etiam dicere, quia sapientia ædificat sibi domum, beatam scilicet Virginem, in qua excidit columnas septem, id est quatuor cardinales virtutes, prudentiam, temperantiam, fortitudinem, justitiam; et tres deicas, id est fidem, spem, charitatem. Sed quoniam legimus: *Sedes sapientiae anima justi, in hac domo, id est in anima justi, possumus etiam invenire columnas septem, id est septem morales virtutes, quæ ibi exciduntur, et cum multo labore mirabiliter expoliuntur. Septem columnæ, id est septem virtutes, istæ sunt charitas, humilitas, sobrietas, castitas, obedientia, disciplina, patientia. Et quia omnis, id est perfecta laus in fine canitur, jungamus his perseverantiam. Istæ octo virtutes et singulæ diversorum, omnes simul proprie sunt monachorum. Charitas est forma virtutum, humilitas sedes vel cathedra virtutum, sobrietas mensura, castitas ornamentum, obedientia auriga, disciplina schola, patientia clypeus, perseverantia corona.**

Charitas regina virtutum, humilitas custos, sobrietas ministra, castitas pulchritudo, obedientia directio, disciplina correctio, patientia probatio, perseverantia conclusio. Charitatem commendat nobis Dominus, dicens: *Majorem charitatem nemo habet, ut animam suam ponat quis pro amicis suis (Joan. xv).* Humilitatem docet, dicens: *Discite a me quia mitis sum, et humilis corde (Matth. xi).* De sobrietate: *Sobrii estote et vigilate, etc. (I Petr. v).* De castitate: *Sint lumbi vestri præcincti (Luc. xii).* De obedientia: *Melior est obedientia quam victimæ (I Reg. xi).* De disciplina: *Apprehendite disciplinam (Psal. ii).* Et: *Qui abjicit disciplinam, infelix est (Prov. xv).* De patientia: *In patientia vestra possidebitis animas vestras (Luc. xxi).* De perseverantia: *Qui perseveraverit usque ad finem, hic salvus erit (Matth. x et xxiv).* Charitatem commendat nobis locus et victus; humilitatem, vilitas habitus; sobrietatem, mensura cibi et potus; castitatem indicat nobis identitas sexus; obedientiam nostram insinuat, quod invicem inclinamus; disciplinam, quod magistros habemus; patientiam demonstrat nobis, quod per silentium quasi muti sumus; perseveramiam, quod claustris includimur. Haec de virtutibus breviter dicta sunt pro eo quod *Regnum Dei non in sermone, sed in virtute est (I Cor. iv), adeoque juncta sunt virtus et regnum Dei, ut virtus ipsa dicatur regnum Dei. Unde Apostolus: Regnum Dei non est esca et potus, sed justitia, et pax, et gaudium in Spiritu sancto (Rom. xiv).* Et Dominus ait: *Regnum Dei intra vos est (Luc. xvii).* Virtus via est, regnum Dei patria nostra est. Teneamus viam, ut perveniamus ad patriam. Aggrediamur alacriter arcem virtutum; curramus velociter viam mandatorum, ut perve-

niamus feliciter ad Creatorem nostrum, cui est A Innocentia est, ut nec laedas, nec laedere velis, - beneficentia est, ut si possis, pro sis, si non possis do leas.

Quam pulchra es, et quam decora, charissima, in deliciis? (Cant. vii) Vox Christi est, fidelis animæ pulchritudinem laudantis et admirantis. Unde non sit pulchra es, sed admirable: *Quam pulchra es!* Est autem gemina pulchritudo, naturalis et artificialis; naturalis a conditione, artificialis a compositione. Anima namque a Deo pulchra est condita, sed ipsa superjectis sibi stercoribus vitiorum, sponte foedata est. Ut ergo naturalem recuperet pulchritudinem, oportet eam dignis pœnitentiæ fletibus et fructibus, conjectas sordes abluere. Primo quidem operis, secundo sermonis, tertio cordis. Puritas actionis in tribus consistit, ut sit scilicet sine iniquitate, sine mollitie, sine levitate; innocentia, munda, gravis.

Puritas quoque sermonis triplex est, ut sit sine mendacio, sine jactantia, sine multiloquio: verus, humilis, parcus.

167 Et puritas cordis in tribus est, in intentione recta, quæ nihil molitiatur iniquum; in affectione rigida, quæ nil recipiat otiosum; in cogitatione munda, quæ nil recipiat sordidum. Ex gemina puritate, operis scilicet et sermonis, potest vocari pulchra ab hominibus, habet enim gloriam apud homines, sed non apud Deum; at ubi puritas cordis adfuerit, non ab hominibus solum, sed ab eo qui cordis inspector est, quam pulchra vocabitur. Sed nativæ puritatis reparata specie, oportet alium omni arti et studio exhibere decorem, id est comparatis coloribus virtutum, exornare animam, eique vestem facere nuptialem, ut sic placens Sponso specie sua ac pulchritudine sua, mereatur audire, geminato laudis suæ præconio: *Quam pulchra es, et quam decora!* Hunc decorem maxime operatur charitas, quæ est amor in Deum et proximum. In Deum, tripliciter, quia Trinitas est; *ex toto corde*, ut solus placeat rationi; *ex tota anima*, ut solus sapiat voluntati; *ex tota virtute*, ut solus trahat in concupiscentiam sui. In proximum dupliciter, cum duplex superbia sit: primo, secundum animam; deinde, secundum carnem; nam qui solam carnem vel so am animam diligunt, neutrum diligunt.

Ad utramque sufficiunt illa duo præcepta: *Quod tibi non vis fieri, alii ne feceris*, et: *Quæ vultis ut faciant vobis homines, et vos facite illis* (Matth. vii, Luc. vi). In altero innocentia, in altero beneficentia.

A Innocentia est, ut nec laedas, nec laedere velis, - beneficentia est, ut si possis, pro sis, si non possis do leas.

Sic audire mereberis: *Quam pulchra es, et decora!* Ut autem et charissima nomineris, adhibe aliquid quod ipsis virtutibus magis est, hoc est: *Noli altius sapere, sed time* (Rom. xi). Haec est humilitas, virtutum nutrix, virtutum gloria, virtutum vita, nomen et meritum.

Hac siue, virtutes non virtutes dici, nee virtutes numerari dignæ sunt. Hanc ergo quæcumque es, de vota anima, applica tibi, applica te illi, habe sociam, habe charissimam, et si fueris puritate chara, charitate charior, eris humilitate charissima. Vel certe, quia humilitatis tria genera sunt, subesse videlicet superiori, pari, inferiori, merito quæ nullum prætermittit gradum, in primo chara, in secundo charior, in tertio charissima nominator

Jam ad delicias veniamus: *Charissima, inquit, in deliciis.* Si beata est anima quæ labores manuum suarum manducabit (Psal. cvii); quæ paupertatem, quæ luctum, quæ persecutionem patitur propter iustitiam (Matth. v); quid illa quæ in deliciis habitat, quæ deliciis affluit, innixa super dilectum suum?

Et hic gradus aliquot advertere est. Est anima quæ in sudore vultus sui vescitur pane suo, quæ cum operata fuerit terram suam, non dat fructus suos, sed spinas et tribulos germinat ci (Gen. iii). Est item quæ lætatur cum bene fecerit, et exultat in rebus optimis, dicens: *Bonum mihi, Domine, quia humiliasti me, ut discam justificationes tuas* (Psal. cxviii). Est et invenire (raro quidem fateor) cui vivere Christus sit, et mori lucrum (Philip. i), quæ glorietur in tribulationibus, quæ gaudeat quod digna sit pro nomine Jesu contumeliam pati; quidnam eam in deliciis esse, imo et affluere dicam? Prima quippe in spinis est, quæ laborat in gemitu suo, lamentans et dicens: *Miser factus sum et curvatus sum usque in finem, tota die contristatus ingrediebar* (Psal. xxxvii). Secunda **168** in cibis est, quæ non sine delectatione vescitur pane illo, de quo pane testatur ipse qui dicit: *Meus cibus est, ut faciam voluntatem Patris mei* (Joan. iv). Magna quæ spinas patitur, major quæ vescitur cibis Patris sui; at omnium maxima, quæ deliciis affluit, et de deliciis ad delicias transfertur, cooperante gratia sponsi Iesu Christi Domini nostri, qui est benedictus in sæculorum. Amen.